

蜀志類鈔

王文才 王炎◎編著

四川出版集團

巴蜀

蜀志類鈔

王文才 王炎◎編著

四川出版集團  
巴蜀書社

圖書在版編目 (CIP) 數據

蜀志類鈔/王文才, 王炎編著. —成都: 巴蜀書社, 2010. 8  
ISBN 978-7-80752-647-6

I. ①蜀… II. ①王…②王… III. ①四川省—地方志—古代  
IV. ①K297.1

中國版本圖書館 CIP 數據核字 (2010) 第 146687 號

蜀志類鈔

王文才 王 炎 編著

---

責任編輯	王大厚
封面設計	張 科
出 版	四川出版集團巴蜀書社 成都市槐樹街 2 號 郵編 610031 總編室電話: (028) 86259397
網 址	www.bsbook.com
發 行	巴蜀書社 發行科電話: (028) 86259422 86259423
經 銷	新華書店
印 刷	成都蜀通印務有限責任公司
版 次	2010 年 10 月第 1 版
印 次	2010 年 10 月第 1 次印刷
成品尺寸	148mm×210mm
印 張	7.125
字 數	150 千
書 號	ISBN 978-7-80752-647-6
定 價	18.00 圓

---

本書如有印裝質量問題, 請與我社發行科聯繫調換

# 前言

蜀中古志，從漢至宋，名目可考者，不下三百餘種，大都亡佚不存，無復得見，實爲研習古史者一大困惑遺憾，當年古史辯學者顧頡剛先生等人，就曾發出過惋惜與哀嘆。

巴蜀書社自創立起，即以整理古籍、搶救史料爲己任。近三十年間，刊印精品佳作數千，饗人以學術盛典。今又舉足於古志，不避殘篇剩卷，鼎力出版，實乃學界之幸事也。

本書名爲《蜀志類鈔》，實以留存舊著，輯佚彙編爲重。各篇用書底範版本不一，均在篇前解題中予以序說。校勘輯佚，參照利用《初學記》、《藝文類聚》、《北堂書鈔》、《太平御覽》、《太平寰宇記》、《太平廣記》、《水經注》、《華陽國志》、《方輿勝覽》、《廿五史》等類書、叢書和文史典籍，版本以中華書局標點本和古籍整理通行本爲準，文中一般不再註明。新輯較舊輯之差異，亦不便逐一標明，讀者自可明鑒。

書內佚文考校，分條整理。佚文未分段，未標點者均加分段、標點。文中校語，凡異文改字用（）號，補奪刪衍用〔〕號，餘此均依舊例。唯古書引文，崇尚簡明，突出文意爲首，而不必字

字拘泥，向有與今之學者孜孜相校者不同之處，凡此皆難避免，也請有識諸君明鑒。

王 炎 二零一零年五月一日

# 蜀志類鈔目錄

揚雄《蜀王本紀》……………一

譙周《三巴記》……………一四

陳壽《益部耆舊傳》……………二〇

## 附 錄

一 蜀輯本羅元輔跋……………五九

二 《益部耆舊雜記》……………六〇

三 巴蜀《耆舊傳》……………六五

四 《蜀耆舊傳》……………六六

五 《成都耆老傳》……………七一

六 《益州故老傳》……………七三

任預、李膺《益州記》……………七七

梁益四記……………一二四

華陽二記 ..... 一三一

蜀 記 ..... 一三四

蜀 志 ..... 一四九

盧求《成都記》 ..... 一五四

宋《成都記》 ..... 一六三

趙抃《成都古今集記》 ..... 一八〇

袁說友《成都志》 ..... 二一八

後 記 ..... 二二三

# 揚雄《蜀王本紀》

揚雄嘗撰《蜀本紀》（又名《蜀王本紀》），事見常璩《華陽國志·序志》。且其內容多為《華陽國志·蜀志》所採，雄書遂亡。《隋書·經籍志》及新、舊《唐書》皆著錄雄著《蜀王本紀》一卷，入地理類，乃晉以後從《華陽國志·蜀志》鈔錄補綴而成，是為偽補《蜀王本紀》，由此衍生異文。唐宋後偽補本又亡，明清乃有輯本，今存鄭樵、洪頤煊、王仁俊諸輯，文字互有異同。嚴可均《全漢文》本參合互見，整齊文句，較為可用。今據其本，略校異字，以存其舊。

蜀之先稱王者，有蠶叢、柏濩、魚鳧，（按《文選·蜀都賦》劉淵林注引下有「蒲澤」二字）、開明。是時，人萌椎髻左衽，不曉文字，未有禮樂。從開明已上至蠶叢，積三萬四千歲。（《文選·蜀都賦》劉淵林注，《魏都賦》劉淵林注，王元長《三月三日曲水詩序》李善注（以下凡李注皆略善名）、《太平御覽》一六六。按《太平御覽》引作凡四千歲。）

——嚴可均輯（以下省稱嚴輯）《蜀王本紀》。



蜀王之先，名（《太平御覽》五字作「蜀之先稱王者有」）蠶叢、柏濩、魚鳧、蒲澤、開明（《太平御覽》後四代訛爲「析權、魚易、俾、明」，俾上脫蒲，明上脫開）。是時，人萌椎髻左言（《太平御覽》無「人萌」，「言」作「衽」），不曉文字，未有禮樂。從開明上到（《太平御覽》二字作「已上至」）蠶叢，積三萬四千歲（《太平御覽》此句作「凡四千歲」）。

——《文選·蜀都賦》劉淵林注，《太平御覽》一六六州郡部同引揚雄《蜀王本紀》。

蜀王之先名蠶叢，後代名曰柏濩，後者名魚鳧（按《初學記》八、《藝文類聚》六、《太平御覽》一六六引作「次曰伯雍，又次曰魚鳧」）。此三代各數百歲，皆神化不死，其民亦頗隨王化去。魚鳧田於湔山得仙，今廟祀之於湔。時蜀民稀少。（《太平御覽》一六六又九二三）

——嚴輯《蜀王本紀》。

蜀王之先名蠶叢，後代名曰柏濩，後者名魚鳧。此三代各數百歲，皆神化不死，其民亦頗隨王化去。王獵至湔山便仙去，今廟祀之於湔。時蜀民稀少。

——《太平御覽》八八八妖異部。

後有一男子名曰杜宇（按《史記·三代世表》索隱引作「朱提有男子杜宇」），從天墮止，朱提有一女子名利，從江源井中出，爲杜宇妻。乃自立爲蜀王，號曰望帝（按《太平御覽》一六六引下有「移居邦邑」四字），治汶山下，邑曰郫，化民往往復出。（《文選·思玄賦》注、《太平御覽》一六六又八八八）

——嚴輯《蜀王本紀》。

後有一男子名曰杜宇，從天墮止（「止」當作「山」或「出」）。朱提有一女子名利，從江源地井中出，爲杜宇妻。宇自立爲蜀王，號曰望帝，治汶山下，邑郫，化民往往復出。

——《太平御覽》八八八接上條。

望帝治文山下，邑曰郫，積百餘歲。荆地有一死人名鼈令，其屍亡（《後漢書》注二句作「荆人鼈令死，其屍流亡」），隨江水上，至郫，與望帝相見。望帝以鼈令爲相（《後漢書》注作「至成都見蜀王杜宇，杜宇立以爲相」），以德薄不及鼈令，乃委國授之而去。（《後漢書》注作「杜宇號望帝，自以德不如鼈令，以其國禪之，號開明帝」）

——《文選·思玄賦》注，參《後漢書·張衡傳》注。

望帝積百餘歲，荆有一人名鼈靈（按《後漢書》注、《文選》注引作「鼈令」），其屍亡去，荆人求之不得。鼈靈屍隨江水上至郫，遂活，與望帝相見，望帝以鼈靈爲相。時玉山出水，若堯之洪水，望帝不能治，使鼈靈決玉山，民得安處。鼈靈治水去後，望帝與其妻通，慚媿，自以德薄，不如鼈靈，乃委國授之而去，如堯之禪舜。鼈靈即位，號曰開明帝，帝生盧、保，亦號開明。（《後漢書·張衡傳》注、《文選·思玄賦》注、《太平御覽》八八八又九二三、《事類賦注》六）。

——嚴輯《蜀王本紀》。

望帝積百餘歲，荆有一人名鼈靈，其屍亡去，荆人求之不得。鼈靈屍至蜀復生，蜀王以爲相。時玉山出水，若堯之洪水，望帝不能治水，使鼈靈決玉山，民得陸處。鼈靈治水去後，望帝與其妻通，帝自以薄德，不如鼈靈，委國授鼈靈而去，如堯之禪舜。鼈靈即位，號曰開明奇，帝生盧、保，亦號開明。

——《太平御覽》八八八接上條，又九二三錄「望帝使臣鼈靈治水去後」至「乃委國授之去」，下接子圭鳥鳴條。

望帝去時，子圭鳥鳴，故蜀人悲子圭鳥鳴而思望帝。望帝，杜宇也，後天墮。（《太平御覽》九二二）。

——嚴輯《蜀王本紀》。

按：誤刊「從天墮」爲「後天墮」。

開明帝下至五代，有開明尚，始去帝號，復稱王也。（《後漢書·張衡傳》注）。

——嚴輯《蜀王本紀》。

天爲蜀王生五丁力士，能徙蜀山。王無，五丁輒立大石，長三丈，重千鈞，號曰石牛（當作「井」），千人不能動，萬人不能移。（《藝文類聚》七，《太平御覽》八八八）。

——嚴輯《蜀王本紀》。《太平御覽》八八八接上條，王無作王死，石牛作石井。《藝文類聚》七，能徙蜀山作能獻山，王無作王死，石牛作石井。《四川總志》，王無作每王死，石牛作石井。

蜀王據有巴蜀之地，本治廣都，樊鄉，徙居成都。秦惠王遣張儀，司馬錯定蜀，因築成都而縣之。〔成〕都在赤里街，張若徙置少城內，始造府縣寺舍，今與長安同制。（《太平御覽》八八八，《太平寰

宇記》七二)。

——嚴輯《蜀王本紀》。

按：《太平御覽》八八八無秦惠王后七句。

秦惠王時，蜀王不降秦，秦亦無道出於蜀。蜀王從萬餘人，東獵褒谷，卒見秦惠王。秦王以金一笥遺蜀王，蜀王報以禮物，禮物盡化爲土。秦王大怒，臣下皆再拜賀曰：土者地也，秦當得蜀矣。(《太平御覽》三七、又四七八、又八〇一、又八七二、又八八八、《事類賦注》九)。

——嚴輯《蜀王本紀》。

《秦惠王本紀》曰：秦惠王欲伐蜀，乃刻五石牛(按《太平御覽》八八八引作「秦王恐無利見處，乃刻五石牛」)，置金其後。蜀人見之，以爲牛能大便金。牛下有養卒，以爲此天牛也，能使金。蜀王以爲然，即發卒千人，使五丁力士拖牛成道，致三枚於成都。秦道得通，石牛之力也。後遣丞相張儀等，隨石牛道伐蜀焉。(《北堂書鈔》一一六、《藝文類聚》九四、《白帖》九六、《太平御覽》三〇五、又八八八)。

——嚴輯《蜀王本紀》。

秦王恐亡相見處（按：嚴輯引作「秦王恐無利見處」，誤），乃刻五石牛，置金其後。蜀王以爲金便，令五丁拖牛成道，致三枚於成都。秦道乃得通，石牛之力也。

——《太平御覽》八八八接上條。

五丁秦時力士也，始王欲伐蜀，但以道險不通，乃作石牛置於界道，遺金於石牛下，而進入蜀。又獻蜀美女，時有一大蟒蛇從山腹而入穴，五女往就觀之，五丁力士遂共拔蛇，山崩壓殺五女，因名其山曰五婦山也。秦王遣兵隨石牛後伐蜀，即滅之也。

——《玉函山房輯佚書補編》，錄自《瑀玉集》一一。

武都人有善知蜀王者，將其妻女適蜀。居蜀之後，不習水土，欲歸。蜀王心愛其女，留之，乃作《伊鳴之聲》六曲以舞之。（《北堂書鈔》一〇六，《太平御覽》八八八。按《北堂書鈔》引作乃《東平之歌》以樂也。）

——嚴輯《蜀王本紀》

武都丈夫化爲女子（按《太平御覽》八八八引「武都」上有「或曰前」三字），顏色美好，蓋山精也。蜀王

娶以爲妻（按《藝文類聚》作「爲夫人」），不習水土，疾病欲歸，蜀王留之，無幾物故。蜀王發卒之武都擔土，於成都郭中葬之，蓋地三畝，高七丈，號曰武擔（按《開元占經》引作「又怨之，號曰武擔」）。以石作鏡一枚，表其墓，徑一丈，高五尺（《後漢書·任文公傳》注、《三國志·蜀先主傳》注、《北堂書鈔》九四又一三六、《初學記》五、《藝文類聚》六又七〇、《開元占經》一一三、《太平御覽》五二又七二七七又八八八、《事類賦注》七）。

——嚴輯《蜀王本紀》。

於是，秦王知蜀王好色，乃獻美女五人於蜀王。蜀王愛之，遣五丁迎女還，至梓潼，見一大蛇入山穴中，一丁引其尾不出，五丁共引蛇，山乃崩，壓五丁，五丁踏地大呼。秦王五女及迎送者，皆上山化爲石。蜀王登臺望之不來，因名五婦候臺。蜀王親埋作塚，皆致萬石，以誌其墓（《初學記》五、《藝文類聚》七又九六、《白帖》五、《太平御覽》五二又三八六又八八八又九三四、《事類賦注》二八）。

——嚴輯《蜀王本紀》。

秦惠王遣張儀、司馬錯伐蜀，〔蜀〕王開明拒戰不利，退走武陽，獲之（《太平寰宇記》七二）。

——嚴輯《蜀王本紀》。

張儀伐蜀，蜀王開明戰不勝，爲儀所滅（《史記·秦本紀》索隱）。

——嚴輯《蜀王本紀》。

按：此條見《秦本紀》惠文君九年，司馬錯伐蜀滅之。《索隱》引《秦惠本紀》云云，乃錄自《秦紀》，本非揚雄《蜀紀》之文。嚴輯稿目錄之，似爲《蜀王本紀》前條作注，或係旁批，以示互見。後刻成書，乃誤爲所輯佚文。

至秦惠王討滅蜀，封公子通爲蜀侯。

——《古文苑，蜀都賦》注。

秦惠王遣張儀、司馬錯定蜀，因築成都而縣之。〔成〕都〔縣本〕在赤里街，張若徙置少城內，始造府縣寺舍，今（當作「令」）與長安同制。（《太平御覽》八八八、《太平寰宇記》七二）。

——嚴輯《蜀王本紀》。

按：《太平御覽》八八八無此條，嚴輯誤植。

秦相張公子（當作「儀」）築成都城，屢有頽壞。時有龜周旋行走，巫言依龜行築之，既而城果



成。

——《說郛》七《諸傳摘玄》引韋絢《戎幕閒談》。

秦王誅蜀侯惲，後迎葬咸陽。天雨，三月不通，因葬成都。蜀人求雨，祠蜀侯必雨（《太平御覽》

一一〇。

——嚴輯《蜀王本紀》。

蜀王有鸚鵡舟（《初學記》二五、《太平御覽》一三七）。

——嚴輯《蜀王本紀》。

秦爲太白船萬艘，欲以攻楚（本注曰：「太白，船名。」《初學記》二五）。

——嚴輯《蜀王本紀》。

秦爲舶舡萬艘，欲攻楚。（《太平御覽》七六九，《事類賦注》一六）

——嚴輯《蜀王本紀》。